

20141996123

LIGJ PËR PLOTËSIMIN E LIGJIT PËR VEPRIMTARI HOTELIERE

Neni 1

Në Ligjin për veprimtari hoteliere ("Gazeta Zyrtare e Republikës së Maqedonisë", numër 62/04, 89/08, 115/10, 53/11, 141/12, 164/13 dhe 187/13), pas nenit 4 shtohen tre nene të reja 4-a, 4-b dhe 4-v si vijojnë:

"Neni 4-a

Personat fizikë të cilët në përputhje me dispozitat e këtij ligji kryejnë veprimtari hoteliere, parashetrojnë kërkesë për regjistrim në regjistër te kryetari i komunës, kurse në qytetin e Shkupit te kryetari i komunës në territorin e qytetit të Shkupit.

Me kërkesën nga paragrafi i 1 dorëzohet:

- fletëparaqitje te Inspektorati Shtetëror i Tregut për përmbushjen e kushteve minimale-teknike;
- dëshmi për pronësi në rast se bëhet fjalë për persona fizikë të cilët kryejnë shërbime hoteliere për vendosje në shtëpi, në apartamente dhe dhoma,
- dëshmi për pronësi ose dëshmi për të drejtën e shfrytëzimit, në rast se bëhet fjalë për ekonomi familjare fshatare ku jepen shërbime për dhënien e dhomave dhe apartamenteve dhe
- dëshmi për taksë të paguar administrative, në shumë prej 50 denarësh.

Kërkesa nga paragrafi 1 i këtij neni parashetrohet në dy formularë identikë, me një shtojcë provash.

Formën dhe përmbajtjen e formularit të kërkesës nga paragrafi 1 i këtij neni e përcakton ministri i cili udhëheq me organin e administratës shtetërore, kompetent për çështjet nga fusha e hotelerisë.

Neni 4-b

Kryetari i komunës, ndërsa në qytetin e Shkupit, kryetari i komunës së territorit të qytetit të Shkupit, brenda afatit prej tetë ditësh, prej ditës së pranimit të kërkesës nga neni 4-a paragrafi 1 i këtij ligji, lëshon aktvendim për regjistrim në regjistrin.

Kryetari i komunës, ndërsa në qytetin e Shkupit, kryetari i komunës së territorit të qytetit të Shkupit, brenda afatit prej tetë ditësh, prej ditës së pranimit të kërkesës nga neni 4-a paragrafi 1 i këtij ligji, lëshon aktvendim për refuzimin e kërkesës për regjistrim në regjistër, në rast se kërkesa është e pakompletuar.

Formën dhe përmbajtjen e formularit të aktvendimit nga paragrafët 1 dhe 2 të këtij neni e përcakton ministri i cili udhëheq me organin e administratës shtetërore, kompetent për çështjet nga fusha e hotelerisë.

Neni 4-v

Personat fizikë që janë regjistruar në regjistrin nga neni 4-a i këtij ligji, brenda afatit prej 15 ditësh, prej ditës së pushimit të kryerjes së veprimtarisë për të cilën janë regjistruar, parashetrojnë kërkesë për pushimin e vlefshmërisë së aktvendimit për regjistrim në regjistër.

Me kërkesën nga paragrafi i 1 i këtij neni i dorëzohet:

- aktvendim për regjistrim në regjistrin e personave fizikë të cilët kryejnë veprimtari hoteliere dhe
- dëshmi për taksë të paguar administrative, në shumë prej 50 denarësh.

Kryetari i komunës, ndërsa në qytetin e Shkupit, kryetari i komunës së territorit të qytetit të Shkupit, në bazë të kërkesës nga paragrafi 1 i këtij neni, brenda afatit prej tetë ditësh, lëshon

aktvendim për pushimin e vlefshmërisë së aktvendimit për regjistrimin e personit fizik në regjistër.

Formën dhe përmbajtjen e formularit të kërkesës nga paragrafi 1 i këtij neni e përcakton ministri i cili udhëheq me organin e administratës shtetërore, kompetent për çështjet nga fusha e hotelerisë.

Formën dhe përmbajtjen e formularit të aktvendimit nga paragrafi 3 i këtij neni e përcakton ministri i cili udhëheq me organin e administratës shtetërore, kompetent për çështjet nga fusha e hotelerisë.“

Neni 2

Pas nenit 47 shtohet neni i ri 47-a si vijon:

"Neni 47-a

Kryetari i komunës, kurse në Qytetin e Shkupit, kryetari i Qytetit të Shkupit, mban regjistër për objektet e kategorizuara të hotelerisë nga neni 27 paragrafi 2 i këtij ligji.

Kryetari i komunës, kurse në Qytetin e Shkupit, kryetari i Qytetit të Shkupit, deri më 15 janar në vitin rrjedhës, për vitin paraprak dorëzon ekstrakt nga regjistri nga paragrafi 1 i këtij neni, te organi i administratës shtetërore kompetent për çështjet në fushën e hotelerisë, me qëllim të formimit të bazës së të dhënave në nivel shtetëror.

Kryetari i komunës, kurse në Qytetin e Shkupit kryetari i Qytetit të Shkupit, dy herë në vit, deri më 15 janar të vitit rrjedhës për vitin paraprak dhe deri më 15 qershor në vitin rrjedhës, dorëzon raport për ndryshimet e bëra në regjistrin nga paragrafi 1 i këtij neni, te organi i administratës shtetërore kompetent për çështjet në fushën e hotelerisë.

Formën, përmbajtjen dhe mënyrën e mbajtjes së regjistrit nga paragrafi 1 i këtij neni si edhe formën, përmbajtjen dhe mënyrën e dorëzimit të ekstraktit nga regjistri nga paragrafi 2 i këtij neni dhe formën, përmbajtjen dhe mënyrën e dorëzimit të raportit nga paragrafi 3 i këtij neni, i përcakton ministri i cili udhëheq me organin e administratës shtetërore, kompetent për çështjet në fushën e hotelerisë."

Neni 3

Aktet nënligjore të përcaktuara me këtë ligj do të miratohen në afat prej 30 ditësh prej ditës së hyrjes së këtij ligji në fuqi.

Neni 4

Dispozitat e nenit 47-a të këtij ligji do të fillojnë të zbatohen në afat prej 30 ditësh prej ditës së hyrjes në fuqi të akteve nënligjore të këtij ligji.

Neni 5

Autorizohet Komisioni Juridik Ligjvënës i Kuvendit të Republikës së Maqedonisë, të përcaktojë tekst të spastruar të Ligjit për veprimtari hoteliere.

Neni 6

Ky ligj hyn në fuqi në ditën e tetë nga dita e botimit në "Gazetën Zyrtare të Republikës së Maqedonisë".